



Infurmaziuns dalla suprastanza communal da digl cumeegn Albula/Alvra:

**November / december 2018**

- La suprastanza communal è examinada ed approvada diversas dumondas da biagier.
- Igl concept da traffic per igl areal dalla staziun a Casti, elaboro dalla firma Hartmann e Monsch AG, Parpan, an incumbenza dalla Veiadafier Retica e digl cumeegn Albula/Alvra è nia piglia per cunaschientscha digls commembers da suprastanza. Las an-cunaschientschas tratgas londeror vignan integradas aint igl studi davart la realisabladad „Edifezi per l'administraziun“ e preschentadas a taimp util alla populaziun.
- Per tg'igl sarvetsch „Shuttle per en tschincung (5 francs)“ digl Taxi Rothorn GmbH saptga neir mantignia er per la staschung d'anviern 2018/2019 e per la staschung da stad 2019, è la suprastanza communal delibero en credit da CHF 5'000.00 per staschung.
- An connex cun igl project „Veia da gôt Schlasung“, a Stierva (SIE 2019) èn neidas surdadas las lavours d'inschignier (projectaziun e publicaziun) agl biro d'inschignier BAP Ingenieure AG, Summaprada. Igl costs per chestas lavours montan CHF 12'000.00
- La suprastanza communal è discuto ed approvada allura la planisaziun da termins per igl 2019. L'amprema seduta da suprastanza (constituziun) è li marde, igls 8 da schaner 2019. La proxima radunanza communal duess aver li alla fegn da favrer/antschatta mars 2019 a Brinzauls.
- La suprastanza communal è sottamess igl reglamaint davart igl provedimaint d'ava ad ena revisiun parziala – danov ordinaziun davart igl provedimaint d'ava –. L'ordinaziun regla igl import dalla taxa fundamentala per aclas/tgamonas da tgatscha scu er la taxa da quantidad per bietgs ed indrezs tatgeas sainza en chintader d'ava.
- La suprastanza communal è decidida d'examinar e da realisar tenor pussebladad d'ena vart en scumond da carar per vehichels a motor, töfs e motorigns sen la Veia Pro Mulegn (sectour sotpassadi dalla rundella) e dalla Senda da scola), Casti, e da l'otra vart ena zona da tempo 30 sen la Viglia veia Gelgia/Cumpogna, Casti (a partair digl spartaveias vers Mon).
- L'incumbenza per la furniziun e montascha dalla staziun da transfurmaziun agl deposit regional a Surava (excl. furniziun digl transfurmatour), è neida surdada alla firma Borner AG, Reiden. Igl costs montan CHF 54'661.10.
- Igl preventiv 2019 dalla tgesa da vigls e da tgira Envia è nia examinada ed approvada.
- La suprastanza communal è examinada ed approvada igls rendachints annuals 2017/2018 digl consorzi da scola Val Alvra scalem superiour, digl consorzi da scola Belfort davains e digl consorzi da scola Val Alvra dafora.

- Per igl acquist digls magasigns da militer (8) aint igl territori da „Plans“, Brinzauls, ò la suprastanza communal delibero en credit da CHF 40'000.00.

### **Infurmaziuns dalla radunanza communal digls 12 da december 2018**

- La radunanza communal ò approvo igl preventiv 2019 digl cumegn Albula/Alvra, risguardond la proposta davart igl stritgier la contribuziun communal per l'amplificaziun digl vial da skis cun rodas dalla Arena da Biatlon Lai.
- Votantas e votants on approvo la proposta dalla suprastanza da lascher igl pe da taglia 2019 sen 100 % dalla taglia cantunala simpla.
- La radunanza communal ò approvo schibagn la proposta dalla revisiun digls statuts digl menaschi forestal e tecnic Albula scu er igl contract d'amprest tranter igls cumegns digl consorzi ed igl consorzi da cumegns menaschi forestal/d'ovras Albula.
- Conform agl art. 10 dalla lescha introductiva cantunala davart la lescha federala per igl acquist da bagn immobigliars antras persungas digl exterior(LAIE/BewG), ò la radunanza communal decida da mantigneir la regulaziun d'anfignen ossa, – Quota per la vendita or da proprietad comunabla 100 %.

La suprastanza communal